

昌黎文集

昌黎文集

五百家註音辯昌黎先生文集卷第八

順宗實錄卷第三

起四

建中四年四月乙巳上御宣政殿冊皇太子冊曰建儲

貳者必歸於冢嗣固邦本者允屬元良咨爾

元子廣陵王其錫捷岐嶷長標瀚海佩詩禮之

明訓宣忠孝之弘規居惟保和動必循道識達

刑政器合溫文愛敬奉於君親仁德聞於士庶

神祇龜筮罔不協從是用命爾為皇太子於戲

維我烈祖之有天下也功格上帝祚流無窮光

續洪業逮予十葉虔恭寅畏日慎一日付爾以

承祧之重勸爾以主鬯之勤以貞萬國之心以
揚三善之德爾其尊師重傳親賢遠佞非禮勿
踐非義勿行對越天地之耿光丕承祖宗之休
烈可不慎歟時上即位已久而臣下未有親奏
對者內外盛言王伋王叔文專行斷決日有異
說又屬頻雨皆以爲羣小用事之應至將冊禮
之夕雨乃止逮行事之時天氣清朗有慶雲見
識者以爲天意所歸及覲皇太子儀表班行旣
退無不相賀至有感泣者

戊申詔曰惟先王光有天下必正我邦本以立

人極建儲貳以承宗祧所以啓迪大猷安固洪業斯前代之令典也皇太子某體仁秉哲恭敬溫文德協元良禮當上嗣朕奉若不訓憲章前式惟承社稷之重載考春秋之義授之匕鬯以奉粢盛爰以令辰俾膺茂典今冊禮告畢感慶交懷思與萬方同其惠澤自貞元二十一年二月二十四日已後至四月九日昧爽已前天下應犯死罪者特降從流流已下遞降一等文武常叅并州府縣官子爲父後者賜勲兩轉古之所以教太子必茂選師傅以翼輔之法於訓詞

而行其典禮左右前後罔非正人是以教諭而
成德也給事中陸質中書舍人崔樞積學懿文
守經據古夙夜講習庶協于中並充皇太子侍
讀天下孝子順孫先旌表門閭者委所管州縣
各加存卹

庚戌封皇太子長子寧等六人爲郡王

孫曰封太子男寧寬

宥祭服寮等六人爲郡王並食邑三千戶

癸酉

當作

贈吐蕃弔祭使工部侍郎兼御史大

夫史館修撰張薦禮部尚書薦字孝舉代居深
州之陸澤祖文成

孫曰文成名薦爲

博學工文詞性好談諧

七登文學科

孫曰八以制舉皆甲科

薦聰明強記歷代史傳

無不貫通為太師顏真卿所稱賞遂知名大曆中

浙東觀察表薦之

作浙江

授左司御史率府兵曹參

軍史館修撰

孫曰大曆七年二月以兵部侍郎李涵為浙西觀察使十三年四月八為御史大夫表薦

任史官既至闕下以母老疾竟不拜命母喪闋禮部侍郎于邵舉以聞召充史館修撰兼陽翟尉

貞元初

為太常博士

孫曰貞元元年帝親郊時東兵亂禮物殘替用薦為太常博士參綴典禮略如舊章

四

年迴紇求和親使送咸安公主入迴紇以薦為

判官

孫曰四年迴紇求和親十一月戊子迴紇公主將妾媵六十餘人馬二千匹來迎咸安公主以刑部尚書閔播

持節送主迴紇以薦為判官

改授殿中侍御史累遷諫議大夫

孫曰十一年拜諫議大夫仍充史館修撰

十一年冊迴紇子薦以秘書少

監持節為使

孫曰是歲二月九姓迴紇奉誠可汗卒無子國人立其相骨咄祿為可汗五月命薦

冊骨咄祿為騰里邏拜錄沒密施合胡祿毗伽懷信可汗

還久之遷秘書監二十

年吐蕃贊普死以薦為工部侍郎兼御史大夫

持節弔贈

孫曰二十年正月吐蕃贊普死其弟嗣立五月以薦為工部侍郎為入蕃弔祭使

卒於

赤嶺東迴紇辟吐蕃傳歸其柩

孫曰薦涉蕃界二十餘里至赤嶺東被病

返於迴紇壁驛年六十一

前後三使異國自始命至卒常兼史

職在史館二十年著宰輔傳略五服圖記寓居

錄

孫曰江左寓居錄也

靈怪集等

景寅罷閩中萬安監先是福建觀察柳冕久不

遷欲立事迹以求恩寵乃奏云閩中南朝放牧

之地畜羊馬可使孳息請置監許之收境中畜

產

洪曰收字今本誤作牧

令吏牧其中羊大者不過十斤馬

之良者估不過數千不經時輒死又斂百姓苦之遠近以爲笑至是觀察閻濟美奏罷之

丁卯命焚容州所進毒藥可殺人者

可字諸本作所

五月己巳以杭州刺史韓臯爲尚書左丞

辛未以右金吾大將軍范希朝爲檢校右僕射兼右神策京西諸城鎮行營兵馬節度使叔文欲專兵柄藉希朝年老舊將故用爲將帥使主其名而尋以其黨韓泰爲行軍司馬專其事

甲戌以度支郎中韓泰守兵部郎中兼中丞充
左右神策京西都柵行營兵馬節度行軍司馬
賜紫

乙亥追改爲檢校兵部郎中職如故

甲申以萬年令房啓爲容州刺史兼御史中丞

孫三丁丑以啓爲容管經略招討使

初啓善於叔文之黨

一有因字

相推致

遂獲寵於叔文求進用叔文以爲容管經略使

使行約至荆南授之云脫不得荆南即與湖南

政啓宿留於江陵

伯音秀留音溜

久之方行至湖南又久

人吏與執誼爭權數有異同故不果尋聞

皇太子監國啓惶駭奔馳而往是日

孫曰是以柳

州貢外司馬鄭餘慶爲尚書左丞

乙酉以尚書左丞韓臯爲鄂岳觀察武昌軍節

度使

孫曰以臯爲鄂岳汚
斬都團練觀察使

初臯自以前輩舊人累更

重任頗以簡倨自高嫉叔文之黨謂人曰吾不
能事新貴人臯從弟曄幸於叔文以告叔文故
出之

辛卯以王叔文爲戶部侍郎職如故賜紫初叔
文欲依前帶翰林學士官者俱文珍等惡其專
權削去翰林之職叔文見制書大驚謂人曰叔

文日時至此商量公事若不得此院職事即無
因而至矣王伾曰諾即疏請不從再疏乃許三
五日一入翰林去學士名又與歸登同日賜紫
內出衫笏賜登而叔文不霑文珍等所惡獨不
得賜由此始懼以衢州別駕令狐岍為秘書少
監岍國子祭酒德棻玄孫孫曰德棻華原人子脩曰
脩己子伯陽伯陽子岍
禁音進士登第司徒楊綰未達時遇之以為賢
孫曰岍登進士第遇祿山亂隱居南山豹林谷谷中有岍別
墅楊綰微時避亂南山止於岍舍岍博學有口辨綰其稱之
為禮部修史引岍入史館自華原尉拜拾遺累
遷起居舍人大曆八年劉晏為吏部尚書奏岍

爲刑部員外判南曹累遷至禮部侍郎

孫曰大曆十四年九月

禮部侍郎

月以垣爲岵之判南曹晏爲尚書楊炎爲侍郎岵

德晏之舉分闕必擇其善者與晏而以惡者與
炎炎固已不平至岵爲禮部而炎爲相有杜封
者故相鴻漸之子求補弘文生炎嘗出杜氏門
下託岵以封岵謂使者曰相公欲封成其名乞
署封名下一字岵因得以記焉炎不意岵賣之
署名屬岵岵明日疏言宰相炎迫臣以威臣從
之則負陛下不從即炎當害臣德宗以問炎炎
具道所以德宗怒曰此姦人不可柰欲杖而流

之炎救解乃黜為衡州別駕

孫曰建中元年二月貶

貞

元初李泌為相

孫曰貞元三年六月以泌平章事

以左庶子史館修

撰徵至則與同職孔述睿爭競細碎數侵述睿

述睿長告

一作者

以讓不欲爭泌卒

孫曰五年三月泌卒

竇叅

為相

孫曰二月以參同平章事

惡其為人貶吉州別駕改吉州

刺史齊映除江西觀察

孫曰八年七月以桂管觀察使齊映為江西觀察使洪曰新命

謂之除劉禹錫云黃紙除書每日聞樂天云黃紙除書无我名順宗實錄云齊映除江南觀察是也授代亦可曰除退之

有自袁州除官行次安陸詩杜牧有除官歸京睦州兩齋詩又有除官赴關商山道中絕句晉士導辭中書監請為三師表

云臣之除中書監竭誠保傳是也

過吉州峘自以前輩懷快快不

以刺史禮見入謁從容步進不首屬戎器

有祿字

映以為恨去至府奏峒舉前刺史過失鞠不得
真無政事不宜臨郡貶衢州別駕上即位以秘
書少監徵未至卒峒在史館修玄宗實錄一百
卷撰代宗實錄三十卷孫曰史云四十卷雖頗勤苦然多
遺漏不稱良史初德宗將厚奉元陵事峒時為
中書舍人兼史職奏疏諫請薄其葬有荅詔優

獎

孫曰大曆十四年五月代宗崩六月己亥制應山陵制度

務從儉厚當竭帑藏以供其費峒上疏諫略曰臣伏讀遺
詔務從儉約若制度優厚豈顧命之意耶上荅詔曰頃議山
陵心方迷謬忘遵先旨遂有優厚之文卿聞見該通識度弘
遠深知不可形於至言援引古今依據經禮非唯中朕之病
抑亦成朕之恭免朕獲不子之名皆卿之力也敢不聞義而
徙收之桑榆奉以終始期無失墜古之遺直何以加焉

元和三年以修實錄功追

贈工部尚書

孫曰元和二年七月
岷子太僕寺丞不進

監修國史奏岷所撰實錄
所畢功至是方奏以功贈工部尚書

分請於貶
是月以襄州為

襄府

孫曰丁亥升襄
陽為大都督府

徙臨漢縣於古城曰鄧城縣

五百家註音辯昌黎先生文外集卷第八

五百家註音辯昌黎先生文外集卷第九

順宗實錄卷第四

起六月
盡七月

六月

孫曰戊辰朔

乙亥貶宣州巡官羊士諤爲汀州

寧化縣尉士諤性傾躁時以公事至京遇叔文
用事朋黨相煽頗不能平公言其非叔文聞之
怒欲下詔斬之執誼不可則令杖殺之執誼又
以爲不可遂貶焉由是叔文始大惡執誼往來
二人門下者皆懼先時劉闢以劔南節度副使
將韋臯之意于叔文求都領劔南三川謂叔文曰
太尉使某致微誠於公若與某三川

與某今多
作與其誤當